



**Ilisimatuarfimmi ilinniartitsisunut, Perorsaasunut aammalu Isumaginninnermut Siunnersortinut
ataatsimut kandidatinngorniarfissamik Naalakkersuisut pilersitseqqullugit peqquneqarnissaannik
Inatsisartut aalajangiiffigisassaattut siunnersuut.
(Inatsisartunut ilaasortaq Najaaraq Møller, Siumut)
(Siullermeerneqarnera)**

Qujanaq Inatsisartunut ilaasortaq Najaaraq Møller siunnersuuteqarninnut.

Ilinniarneq ilinniagassatullu neqeroorutit pitsaasuujuuaannarput. Demokraatini isumaqarluunnarpugut, qaffasinnerusumik ilinniagaqarnerujaannarlatalu piginnaasagut qaffasinnerujaannassasoq, nunatsinni ineriartornissamut periarfissanut iluaqtaarujuussuartussaammata.

Tulluusimaarutigaarput, takullugu Ilisimatusarfik Universitiitningorsimasoq inunniq ilinniarluarsimasunik amerlasuunik naammassinnittartoq, ingerlaannaq nunatta ineriartorneranut siuarsaaqataalertartunik.

Pingaarnertut isigalugu siunnersuuteqartoq uani isumaqatigaarput, imatut isikkoqarsinnaasoq, professionsbachelorit soorlu ilinniartitsisut, perorsaasut aamma isumaginninnermut siunnersortit kandidatitut ilinniarsinnaanerat periarfissaqanngitsoq. Tassani pineqarput ilinniarsimasut, amigaatigineqaqisut, aammalu kandidatitut ilinniarnissamut periarfissiisoqassappat amerlanerit ilinniarusulissammata, tamanna ajunngilluinnarpoq.

Pingaartuuvorli, misissoqlaqassagippu, ilinniartunit kandidatinngorniarneq qanoq annertutigisumik piumaneqarnersoq. Naleqquqtsanngilaq kandidatitut ilinniarnissanik pilersitsinissamut nukinnik pingaarutilerujussuarnik atulussinnassagutta, pilerigineqanngippata. Paatsoorniaqinqasinga; ilinniakkani taaneqartuni kandidatitut ilinniarnissaq kissaatigaara, qulakkeertariaqarparpullu, ilumut piumaneqarnersoq.

Isumaqpunga, ataatsimiimiitaliap suliassarissagaa piumaneqarnersoq paasiniasiassallugu. Tamanna pisariaqarpoq Naalakkersuisut suleqatiginerisigut aappassaaneerneqannginnerani. Aamma kingunerissagaluarpaguluunniit, siunnersuutip aappassaaneerneqarata ukiamut katersunnermut kinguartittariaqalernissaa. Tassunga atasumik isumaqpunga, pingaartuusoq, Ilisimatusarfimmuit atassuteqatoqarnissaa qulaajaanissaq paasinarsaanerlu siunertaralugit.

Taamatut oqaaseqaateqarluta siunnersuut aappassaaneerneqannginnerani ataatsimiitaliamit susassaqtumi suliarineqassasoq innersuussutigaarput.